

Quae praecepta pertinent ad primam tabulam?

Tria priora praecepta, quorum primum concionatur de agnitione Dei in mente et de motibus seu affectibus in voluntate et corde ^ferga Deum.^f Secundum praecipit de illius agnitionis et affectuum professione, quae fit sermone. Tertium sancit totum ministerium, quo fit propagatio doctrinae coelestis et cultum externorum, quos Deus instituit.

5

Quae praecepta referuntur ad secundam tabulam?

Septem sequentia praecepta, quorum hic est ordo: Quartum munit societatem communem ^ggeneris humani,^g ad quam homo est conditus, [4:] et gubernatores illius constituit, quintum corpora et vitam singulorum hominum munit, sextum tuetur coniugia, septimum domos seu nidos singulorum munit et res ^halias vitae^h necessarias, octauum defendit famam 10 cuiusqueⁱ et iudicia ordinat, quae sunt nerui et executio iusticiae, nonum et decimum addunt declarationem, quod lex Dei non tantum de externis operibus praecipiat, sed accuset et damnet etiam prauam concupiscentiam.

Qualis est forma enunciationis in singulis praeceptis?

Primum praeceptum partim affirmatiuum, partim negatiuum est, reliqua praecepta primae et 15 secundae tabulae sunt negatiua excepto tertio et quarto praecepto. Semper autem in negatiuis simul continetur sententia affirmatiua et e contrario in affirmatiuis simul continetur sententia negatiua.

^{f-f} nicht in E.

^{g-g} nicht in E.

^{h-h} ad victum: E.

ⁱ nicht in E.